

রমণী-হৃদয়, নরকের সত্য ছায়াছবি, জান না ?

পূত ।—কেন হেন অন্ডায় সন্দেহ ?

দেবতার নামে প্রভু দিব্য কোরে বলি,

সখী মোর তোমারই অধিনী ।

(ভদ্রশীল ও সিদ্ধিনাথের প্রবেশ)

ভদ্র ।—সেনাপতি !

রাজার আদেশ-লিপি সহ,

এসেছি ভেটিতে হেতা, এই ধর লিপি ।

(পত্র দান ও পাঠ)

(ইন্দিরার প্রবেশ)

ইন্দি !—কাকা, কতক্ষণ এসেছ এখানে ?

পিতা মোর আছেন কুশলে ?

আর আর পুরবাসী ষত,

আছে সবে আনন্দে কোতুকে ?

ভদ্র । হাঁ মা, রাজ্যের কুশল ।

পিতা তব, হেরিতে তোমার মুখ,

দিন রাত পথ পানে আছেন চাহিয়া ;

তোদের লইতে আমি এসেছি হেতায় ।

চৈতক-শাসন ভার রণবীরে দিয়ে,
গমনের আয়োজন কর ত্বর করি ।

ইন্দি ।—বড়ই সুখের কথা ।

বিশ্ব ।—তুমি থাক চৈতকের কত্রীরূপে মনের উল্লাসে ।

ভদ্র ।—একি কথা বিশ্বজীৎ ?

পত্রে মন, শুন নাই বুদ্ধি স্থিরকর্ণে,
আমাদের কথোপকথন ?

ইন্দি ।—হায় তাতঃ ! বিধি মোরে বড় প্রতিকূল,
স্বামী মোরে বাম ।

বিশ্ব ।—কুলটার মুখে এই স্বামী সম্বোধন,
লজ্জা আসে শুনিতে শ্রবণে ।

ইন্দি ।—প্রাণাধিক ! কেন আর অপমান,
কেন এ লাঞ্ছনা, কেন দাও মনস্তাপ অশ্রায় বিচারে ?

বিশ্ব ।—হঁ ।—

ভদ্র ।—একি কথা বিশ্বজীৎ ! কেন এ সন্দেহ ?
কে সাজালে সন্দেহের চিতা বৎস,
প্রেমময় তোমার হৃদয়ে ?
প্রণয়-কানন মাঝে ছিলে দৌহে সুখে,
কে জ্বালিল দাবানল পুড়াতে সুখ-কানন

সুখময় প্রণয়ের ছায়াময় পাদপ সহিতে ?

বিশ্ব ।—ভঁদ্রশীল !

তুমি কি জানিবে বল, বিষমাথা রমণীর পাষণ-হৃদয় ?

সিন্ধি ।—রমণী-চরিত্র-কথা দেবতার অজ্ঞের অজ্ঞাত ।

ইন্দি ।—প্রাণেশ্বর !

বদি কভু স্বপ্নেও ভাবিয়া থাকি অণু কথা অণু ভাব,

অণু রূপ গুণ ;

অন্তর্ঘামী করুণ বঞ্চিত মোরে তোমার প্রণয়ে ।

(রোদন)

বিশ্ব ।—থাক, কাজ নাই বিলাপে রোদনে ;

ভাল জানি রমণীর মায়া ।

যাও, দূরে যাও,

বিপদ ঘটাও কেন আপন ইচ্ছায়, সাথে সাথে ?

যাও কাকা, ত্বর লয়ে যাও,

সতীর প্রতিমা এই, রমণী-রতনে !

হেরিলে উহার মুখ,

পুড়ে যায় হিয়া মোর সস্তাপ-আগুনে ?

ইন্দি ।—ঈশ্বর ! তুমি সাক্ষী !

বিশ্ব ।—যাও ভদ্রশীল,
বিশ্রাম করগে যাও প্রাসাদ ভিতরে ।

[উভয় দিক দিয়া উভয়ের প্রস্থান ।

সিক্টি ।—এ আশুগ কে জালিল ?
আমি—আমি—আমি !—(করতালী দান)
(প্রস্থানোন্মোহগ, সম্মুখে জীতাজীৎ)

জীত ।—অনেক অনুসন্ধান, গোপনে অবস্থান,
তার পর তোমার দর্শনলাভ ।
আর কতদিন ভাই এ ছুরাশা করিব বহন ?

সিক্টি ।—তাড়াতাড়ি নয়, তাড়াতাড়ি নয়,
আর বড় বিলম্ব নাই ।

চল যাই আমার শিবিরে,
সব কথা বলিব সেখানে ।

[উভয়ের প্রস্থান ।





চৈতক—অরণ্যপথ ।

(Astreet—Sheak)

তরবারী হস্তে সিদ্ধিনাথ ।

সিদ্ধি।—প্রতিহিংসা, —স্বার্থসিদ্ধি, শত্রুর নিপাত ;
এক দিনে—এক ক্ষেত্রে—এক যোগে করিব সাধন ।
রণবীর ! উন্নতি-পথের তুমি কণ্টক আমার,
সে কণ্টক করিব নিমূল আজি ;
আজি তব জীবনের শেষ ।
জীতাজীৎ ! বুঝেছ কৌশল, জেনেছ সকল ;
জানি আমি, প্রতিফল দিবে স্মানশচর ;
কিন্তু জেনে রাখ, আজ তব জীবনের শেষ ।
বিশ্বজীৎ ! ভালবাস যারে,
যার তরে উচ্চপদে করেছ বঞ্চিত মোরে,

হৃদয় করেছ মোর ঘোর মরুভূমি ;
 জ্বেনে রাখ, আজ তার প্রতিশোধ দিন ।
 যে আলা দিয়েছ মোরে তুমি,
 শতগুণে করেছি তোমারে আলাতন ;
 আজ তার পূর্ণাহুতি, আজ তব জীবনের শেষ ।
 বল, বুদ্ধি, কৌশল বিক্রম,
 বিষম পরীক্ষা আজি তোমায় আমার ।

(জীতাজীতের প্রবেশ)

সিদ্ধি ।—এস ভাই, ক্ষত্রকূলে জন্ম তব ;
 বীরের সম্মান তুমি, বীর অবতার ;
 ধর, লও অসি, কর নিজে আপনার পথ পরিষ্কার ।
 এখনি আসিবে দৃষ্ট প্রেমের পাগল বিশ্বজীৎ,
 শাস্তি দিতে প্রেমুচোর-রণবীরে গোপনে কাননে ;
 অলক্ষ্যে নাশিবে তারে ।
 দৃঢ় করি মন, থাক সাবধানে ।

[দূরে প্রস্থান ।

সিদ্ধি ।—(সানন্দে) যে প্রকারে হোক,
 কার্য্যসিদ্ধি সুনিশ্চয় ।

রণবীর মারুক ইহারে,
 নাহি পারে যদি, রণবীর মরিবে ইহার হাতে ;
 তুদিকেই তুল্য লাভ মোর ।
 বহুব্রত ইন্দিরারে দিতে, জীতাজীৎ দিয়াছে আমার,
 সে সব কার ?—আমার—আমার ।
 লুকাইয়া থাকি, দেখি, কি বা হয় শেষে ।

[প্রস্থান ।

(রণবীরের প্রবেশ)

রণ ।—কোথা মোব প্রাণের পুতলি নগবালা,
 কোথা সিদ্ধিনাগ ?

(জীতাজীতের প্রবেশ)

জীত ।—পামর !

যার তরে এত কষ্ট, এত দুঃখ, এত মনস্তাপ ;
 ধর তার যোগ্য প্রতিফল । (আঘাতোদ্যম)

রণ ।—কে তুই পামর, গুপ্তশত্রু, এই ধর—(আঘাত)

জীত ।—আঃ—পাপা—(পতন)

(গোপনে সিদ্ধিনাথের প্রবেশ ও রণবীরের পদে আঘাত ও পলায়ন)

রণ ।—ওঃ—কে তুই পামর,

গোপনে করিলি ছুঁষ্ট শক্রতা সাধন ?

কে কোথায় আছ, রক্ষা কর অভাগার প্রাণ !

(বিশ্বজীতের দূরে প্রবেশ)

বিশ্ব ।—হুঁ—পাপাত্মা রণবীরের স্বর ;

সিদ্ধিনাথ যথার্থই আমার বান্ধব ।

পাপিয়সি ! দেখে যা দেখে যা,

সাধের প্রণয়ী তোর ধুলায় নুটায় !

দেখে যারে পিশাচিনি,

এই তার সুখ-শয্যা—এই তার সত্য-পরিণাম ।

[প্রস্থান ।

রণ ।—কে কোথায় আছ, প্রাণ যায় ;

কোথা পথ, কোথা পাই পরিত্রাণ !

জীত ।—পামর !

গোপনে করিলি ছুঁষ্ট কেন অত্যাচার !

রণ ।—আঃ—প্রাণ যায় ! তৃষ্ণা—জল !

(রক্ষীদ্বয়ের প্রবেশ)

১ম রক্ষী ।—কোথায় এ ক্রন্দনের রোল ?

২য় রক্ষী ।—তাই ত ! ঐ যে, কে আলো নিয়ে এই

দিকেই আসছে না ?

(আলোক লইয়া সিদ্ধিনাথের প্রবেশ)

সিদ্ধি।—কোথায় কে আর্ন্ত্যনাদ কোচ্ছে না ?

১ম রক্ষী।—তা ত বুঝতে পাচ্ছি না মশায়, ঐ দিকেই হবে বোধ হয় ।

রণ।—এদিকে, এদিকে এস,—ঈশ্বরের দোহাই, রক্ষা কর ।

(রক্ষীদ্বয় ও সিদ্ধিনাথের সেই দিকে গমন)

১ম রক্ষী।—কে এ ? আমাদের দ্বিতীয় সেনাপতি না ?

রণ।—কে, সিদ্ধিনাথ ? দেখ সিদ্ধিনাথ, কোন্ পাপাত্মা গোপনে—আমাকে আঘাত কোরেছে ।

রক্ষা কর, বড় তৃষ্ণা—প্রাণ যায় !

সিদ্ধি।—রণবীর, কোন্ পাপাত্মার এ কাজ ?

তোমাকে আঘাত ? উঃ—অসহ্য যাতনা !

জানেনা সে পাপাত্মা পামর, কে তুমি ? (রক্ষীদ্বয়ের প্রতি) এস, সিবিরে নিয়ে যাই !

(অদূরে)

জীতা। ওঃ—কে তোমরা ? রক্ষা কর—

এদিকে এস ।

রণ।—ঐ সেই পাপাত্মা।

সিদ্ধি।—হুরাচার! নরকের কীট!

(জীতাজীংকে আঘাত)

জীত।—কি হুরাচার,—পশু, আমাকে আঘাত?

সিদ্ধি।—রক্ষিগণ। কি দেখ্‌ছো তোমরা?

সেনাধ্যক্ষকে হত্যাচেষ্টা,

এখনো তোমরা নীরব?

বাঁধ—কাট—হত্যা কর।

(রক্ষিগণ কর্তৃক আঘাত)

সিদ্ধি।—থাক, হুরাচার উচিত ফল পেয়েছে।

অরণ্য জন্তুর উদরে পাপীর পাপজীবন বিশ্রাম করুক।

চল নিয়ে যাই, গুণ্ণা করি, প্রাণে বাঁচাই!

(সকলে ধরাধরি করিয়া রণবীরকে লইয়া প্রস্থান)





চতুর্থ দৃশ্য ।



চৈতক—সমুদ্র-তীর ।

বালস্বৰ্ঘ্য সমুদিত প্রায় ।

যোগিনীবেশে নগবালা ।

কানাড়া—ঠেকা ।

কি জানি কেন এমন মন প্রাণ উচাটন ।

হৃদয়-কানন কেন হেরি আশান সমান ।

কোকিলা প্রভাতি গায়, শিশু-ভানু দেখা যায়,

প্রাণ করে হায় হায়, কেন কিসেরি কারণ ।

অনন্ত নিরাশা মাঝে, আশার মুরতি রাজে,

পুনঃ নিরাশার সাজে, শূন্যেতে মিশায় ;—

প্রাণের বিনোদ-বীণা, রাজেনা আর তারে বিনা,

স্বপ্নি চেতনাহীনা, অথোরে ঘুমায় ;—

বিরামে ঘুমন্ত মুখ, শায়িত নমিত মুখ,

পাষাণে পাষাণ বুক, কাঁদে কেন নিশিদিন ।



পঞ্চম দৃশ্য ।

চৈতক-প্রাসাদ ।

(ইন্দিরার শয়নকক্ষ)

(A Bed-chamber. *Sheak.*)

(ইন্দিরা নিদ্রিত--বর্তিকা প্রজ্জলিত)

(বিশ্বজীতের প্রবেশ)

বিশ্ব । (স্বগত) এই তার কারণ !

মোহ-মায়া-ভালবাসা,

কর্তব্যের পথে যেন কণ্টক-প্রাচীর !

এখনিই যার প্রাণ উড়ে যাবে হৃদয়-পিঞ্জর ছাড়ি

চির দিন-তরে,

তার প্রতি মায়া ?—তার প্রতি ভালবাসা ?

প্রণয়ের মোহ ?

কেন ? কিসের কারণে ?

(তরবারি নিষ্কাশণ ও ক্ষণপরে)

ছিল, এক দিন ছিল ;

এই দেহে, শোণিতের প্রতি বিন্দুমাবে,

প্রতিবিশ্বে ছিল ঐরূপ ;

কিন্তু এখন ? উঃ—স্মরণেও অসম্ভব যাতনা ।

কাজ নাই আর,

সুপ্ত-মায়া মোহ-তন্ত্রা প্রণয়ের আবেশে জাগারে !

(ক্ষণপরে)

প্রাণেশ্বর ! হৃদয়ের দেবী তুমি,

কেন দিলে তাপ, কেন এ সন্তাপে দগ্ধ হৃদয় আমার ?

(চূষন)

কেন এ কলঙ্ক-কালি মাখিলে বদনে ।

কেন এ প্রাণের জ্বালা, কেন এ যন্ত্রণা ?

(ক্ষণ বিরামে)

ইচ্ছাময় ! টলাও বিশ্বাস,

একবার কর দৈববাণী “ইন্দিরা-কুলটা নয়,”

সে বিশ্বাসে ধরিয়া হৃদয়ে,

পাসরি এ ছুর্নিবার প্রাণের যাতনা !

উঠিতেছ ? উঠ ।

ইন্দি । কে, প্রাণেশ্বর !

ওকি ও ! কেন তব বদন-মলিন ?

এস নাথ, করি পদসেবা,

সুখে নিদ্রা যাও প্রাণনাথ ।

বিশ্ব ।—ইন্দিরা,

শয়ন সময়ে তুমি নিত্য ডাক অনাথ-তারণে ?

ইন্দি ।—যাঁর রূপা বলে নাথ সম্মীলন তোমায় আমার,
তাঁর নাম বিশ্বতির নয় ।

বিশ্ব ।—এ জীবনে ক'রে থাক যদি কভু,

জ্ঞানে বা অজ্ঞানে পাপ ;

মুক্তিলাভ তরে কর আত্ম-নিবেদন তাঁহার চরণে ।

ইন্দি ।—একি কথা ! কেন নাথ ভাবান্তর তব ?

বিশ্ব ।—আমার কথা রাখ, প্রার্থনা কর ।

ইন্দি ।—তবে কি নাথ তুমি আমাকে হত্যা
কোকে ?

কেন প্রাণেশ্বর, আমার কি অপরাধ ?

বিশ্ব ।—অপরাধের বিচারকর্তা ভগবান ।



ALBERT EDWARDS & CO. LONDON

কুলটার প্রতি, ঈশ্বর যে কেমন সদয়,
অলক্ষণ পরেই তার প্রমাণ দেখবে।

ইন্দি।—কেন প্রাণেশ্বর! নারাবধে কেন তুমি
পাপ সঞ্চয় কোলে? কেন নাথ তোমার এ প্রবৃত্তি!
চক্ষু রক্তবর্ণ, ঘনঘন দীর্ঘশ্বাস, ক্ষমা কর নাথ,
আমি নির্দোষী।

বিশ্ব।—তুমি রাক্ষণী! হৃদয়ের দিকে চাও, আত্মপাপ
স্মরণ কর, অহুতাপ কর।

ইন্দি।—হৃদয়ে কেবল তুমি,
স্মৃতিতে তোমারই ভালবাসা।

বিশ্ব।—সে বিধানে বিশ্বাস যে করে, বাতুল সে জন।

ইন্দি।—জীবন আমার তুচ্ছ!
তুমি আমাকে যখন সন্দেহ করেছ,
সে সন্দেহ ভঞ্জনের জন্ত আমি জীবন দিতে কাতের নই,
কিন্তু বল প্রিয়তম, এ সন্দেহের কারণ কি?

বিশ্ব।—আমার ভালবাসার নিদর্শন কোথায়?

ইন্দি।—ঈশ্বরের দিব্য, আমি তার কিছুই ত জানি না!

বিশ্ব।—জান না? জানার আবিষ্কারই বা কি?

শোন্ ইন্দিরা,

আর অধিক সময় নাই, এখনো স্বীকার কর।

ছি ছি, পাপিণি! এ হৃদয় তোরই জন্তু পাষণ হয়ে গেছে,

সেই আত্মদানের প্রমাণস্বরূপ

আমি আজ নারীহত্যায় উদ্যত।

ইন্দি।—জীবনসর্বস্ব!

এক দিন আমাকে ইহসংসারে থাকতে দাও।

আমি কালই তার প্রমাণ দিয়ে তোমার এ বিষম সন্দে-
হের কুরাশা দূর করবো।

বিশ্ব।—না, এখনি তার প্রতিফল দিব।

ইন্দি।—একটু অপেক্ষা,

বিশ্ব।—না, তাও না। যে পাপিণী আমার হৃদয়ে
তুষাণলের সৃষ্টি কোরেছে, এক দণ্ডও তার জীবন
থাকার নয়।

এই জীবনের প্রতিদান—প্রণয়ের পরিণাম,

ভালবাসার প্রমাণ, এই—এই গ্রহণ কর।

(অসির আঘাত)

(নেপথ্যে পূতনা)

এ কি! দরজা খোল! হত্যা—হত্যা! সেনাপতি!

প্রভু!

বিশ্ব।—(স্বগত) কে ? কার শব্দ ? পূতনা ? রণবীরের
মৃত্যুসংবাদ দিতে এসেছে বুঝি !

(ইন্দিরার প্রতি) রক্ষসি ! ময়তানি !

যাও, চলে যাও অনন্তের সীমাহীন পথে !

(নেপথ্যে)

পূত।—সেনাপতি ! দরজা খোল, হত্যা—হত্যা—

বিশ্ব।—বোলতে এসেছে। আমার স্ত্রীকে সংবাদ—
স্ত্রী ?—আমার স্ত্রী ?—কার স্ত্রী ? আমার স্ত্রী নাই ! জগৎ
মহাপ্রলয়ে ডুবে যাক, আমার কি ? চন্দ্রসূর্য্য গ্রহগণ
পরস্পর ঘাত প্রতিঘাতে চূর্ণ বিচূর্ণ হোক, আমার কি ?

(দরজা উন্মুক্ত করিয়া পূতনার প্রবেশ)

পূত।—সেনাপতি !

মহাবিপদ ! রণবীর জীতাজীতকে হত্যা কোরেছে !

বিশ্ব।—রণবীর হত্যা হয় নাই ?

পূত।—না, রণবীর আহত, জীতাজীৎ হত হয়েছে।

বিশ্ব। হয় নাই ; পাপীর পাপপ্রাণ এখন ও তবে
বাতাসে নিশে ঘায় নাই ?

(ইন্দিরার যজ্ঞাঙ্কনক চীৎকার)

পুত্র।—এ কিসের গন্ধ ? একি এ ! রক্তে যে শব্দা
প্রাণিত ? সখী নাই ! ইন্দিরা নাই ! সেনাপতি, হত্যা
কোরেছ তুমি ? নৃশংস ! পাষণ ! ধনুকীভি কীৰ্ত্তিমান
তুমি !

বিশ্ব।—(বিকটহাস্তে) প্রেমের এ পরিণাম ।
পারিতের অলস্ত-নিশান ।

পুত্র।—সখি ! ইন্দিরা ! আমরাই কি তোমার এ
মৃত্যুর কারণ ? কথা কও সখী, পাপিনীর প্রাণ যাতনায়
ধায় যে !

ইন্দি।—নির্দোষে—আজ আমি—দোষী নই—আঃ—
প্রাণ যায় !

পুত্র।—বল, বল সখী, কে তোমাকে হত্যা কোরেছে ?
কে তোমার এ দুর্গতির—এ নির্দোষ মৃত্যুর কারণ ?

ইন্দি।—কেহ নয়, কেহ নয়—আমি স্বয়ং ।

সখি !—পুতনা ! আমার স্বামীকে বোলো, আমি
নির্দোষী ! আর ত সময় নাই ! শরীর অবসন্ন—আমি
তবে । প্রাণেশ্বর ! জন্মশোধ—তোমার আমায় আজ
জন্মশোধ বিদায়—চির—বিদায় !

(মৃত্যু)

বিশ্ব।—কে এ হত্যাকারী ? ইন্দিরা স্বয়ং।

পূত।—ইন্দিরার কথা তাই, কিন্তু আমি সত্য কথা
গোপন রাখবো না।

বিশ্ব।—যাও পাপিনি ; অধঃপাতে যাও, আমিই
এ হত্যা স্বয়ং করেছি।

পূত।—তা ত কন্দেরই। ইন্দিরা স্বর্গের দেবী,
তুমি অন্ধকার-নরকের হেয় পিশাচ।

বিশ্ব।—ইন্দিরা কুলটা, তোমার স্বামী তার সাক্ষী।
রণবীরের গুপ্ত প্রণয়ের প্রতিকার, এই হত্যা !

পূত।!—আমার স্বামী এর সাক্ষী !
পাপী সে ; তাব সংসর্গে আমিও পাপিনী !
ইন্দিরা সাধ্বী।
জগতের সন্মুখে—চন্দ্রশূর্য্য সাক্ষি করে বলি,
ইন্দিরা সাধ্বী—ইন্দিরা সত্যী।

(সিদ্ধিনাথের প্রবেশ)

পূত।—তুমি সাক্ষী ? ইন্দিরা কুলটা, ইন্দিরা রণ-
বীরের সহিত ভ্রষ্টা, তুমি তার সাক্ষী ?

সিদ্ধি।—আমার বিশ্বাস ত তাই।

পূত ।—তুমিই তবে এ হত্যার কারণ । পাপী তুমি, মিথ্যাবাদী তুমি, প্রবঞ্চক তুমি । চেয়ে দেখ, সখী আমার মৃত্যু শয্যায়, রক্তাক্ত কলেবরে সখী আমার মৃত্যু শয্যায় !
সিদ্ধি ।—তোমার এ সব কি কাণ্ড ? নীরব হও ।

পূত ।—না, আমার আবার নীরব কি ? আমি জগতের সম্মুখে বলি, ইন্দিরা নির্দোষী ! জগতের সম্মুখে বলি, ইন্দিরার হত্যার কারণই তুমি ।

(ভদ্রশীলের প্রবেশ)

ভদ্র ।—এ কি ! হত্যা ! ইন্দিরা নাই ! একি মা, কেন তোর এ দশা ? এ সংসারে কে এমন নৃশংস, কে এমন পাষণ্ড, কে এমন নির্দয় আছে যে, তোর অঙ্গে অস্ত্রাঘাত করেছে ?

পূত ।—এই দুই রাক্ষস—এই দুই নরপশু ।

সিদ্ধি ।—পূতনা ! যাও, গৃহে যাও ; আমার আজ্ঞা পালন কর ।

পূত ।—তোমার আজ্ঞা ? তোমার আবার আজ্ঞা কি ? যতদিন করেছি, সেই বিস্তর ; আর না ।

সিদ্ধি ।—(ধাক্কা দিয়া) যাও, দূর হও ।

ভদ্র।—এই তার পরিচয়! বিশ্বজীৎ, নারীহত্যা করেছে তুমি? ধিক্, মনুষ্য নামে ধিক্!

পুত।—শোন বিশ্বজীৎ! শোন সেনাপতি! অতি মূর্খ তুমি! যে রুমাল তোমার সন্দেহের কারণ, আমিই তা পাই। এই ছুরাচার সিদ্ধিনাথ কতদিন আমাকে চুরী ক'রে আন্তে অমুরোধ কোরেছিল। আমি কুড়িয়ে পেয়ে ওকেই দিই। রণবীর আপন ঘরে ঐ রুমাল কুড়িয়ে পান। এই নির্দয়ই—এই পাষণই—এই হৃদয়হীনই—তঁার ঘরে গোপনে ঐ রুমাল ফেলে দেয়। তখন যদি জানতে পেতেম, নৃশংসের মনে এমন নারীহত্যার ফাঁদ পাতা আছে; তা হলে কি এ অনর্থ ঘটে! সেনাপতি! একি কোরেছ, একি কোলে?

সিদ্ধি।—পাপিনি, দূর হ—

[পুতনাকে ধাক্কা দিতে দিতে স্বয়ংও অন্তর্দ্বান]

বিশ্ব।—(দীর্ঘ নিশ্বাস) মেঘ! তুমি বজ্রহীন!

হা ধিক্!—

(উপবেশন)

(পুতনার পুনঃ প্রবেশ)

পুত।—কোথা যাব! কোথা স্থান! কিসে পরিত্রাণ!

পাপিনী আমি ; যে আগুণ জ্বলেছি, সেই আগুণে দগ্ধ
হই। ইন্দিরা ! সখি। চিরদিন আমি তোমার
সহসঙ্গিনী। তুমি একা যাবে কেন ? সে যে অনেক
পথ !—চল, চল সখী ; আমি তোমার সঙ্গে বাই। শোন
বিশ্বজিৎ। ইন্দিরা নির্দোষী। তোমার প্রেম—তোমার
ভালবাসা—তোমার প্রণয় ভিন্ন ইন্দিরা আর কিছুই
জানতো না। সখি, চল চল—

(পার্শ্ব দুরিকা লইয়া ইন্দিরার পার্শ্বে পতন)

ভদ্র।—হত্যাকারী তুমি সেনাপতি,
রাজার শাসনে বন্দী তুমি ;
বন্দিভাবে থাক এই গৃহে।

(প্রস্থান)

বিশ্ব।—(একাকী) এই ঘরে আরও আছে। অজয়-
নগর জয়ে এই তীক্ষ্ণধার—সুন্দর রূপাণ পেয়েছি ! এই
যে ; এই যোগ্য অস্ত্র।

শাস্তিরক্ষক ও কারারক্ষক লইয়া

ভদ্রশীলের প্রবেশ।

ভদ্র।—সেনাপতি ! আত্মহত্যা কোরো না। আর
কেন্দ্র পাপ বৃদ্ধি কর ?

বিশ্ব।—যে আপনার হৃদপিণ্ড ছিন্ন কোত্তে পারে,
তার আবার পাপ ? আপনার জীবন অপেক্ষাও প্রিয়-
তমা যে স্ত্রী, যে সেই স্ত্রীকে হত্যা কত্তে পারে, তার
আবার পাপ ?

(রণবীর ও সিদ্ধিনাথের প্রবেশ)

রণ।—সখা ! প্রভু ! কেন এ বিষম ভ্রম, কেন এ
সন্দেহ ? কেন তুচ্ছ সন্দেহের মোহে, অকালে ঘটালে প্রভু
হেন বিডম্বনা ?

বিশ্ব।—রণবীর ! ক্ষমা কর—কৃপা কর—দয়া কর
মোরে। পাপী আমি, আর কেন ভাই ? আর কেন
জ্বাল ভাই সন্তাপ-আগুণ ?

রণ।—প্রভু ! এতদিন ছায়ারূপে ভ্রমিহু সতত
সখা তোমাকেই রাখিয়া সম্মুখে,
এই তার দিলে যোগ্য কল !

প্রণয়ের বিষময় ঘোর পরিণাম দেখালে জগতে,
য়চিলে কলঙ্ক-ডালি, তুলে দিলে শেষে সঘতনে,
পরহিতে অভাগার শীরে ;

ঘণার মুকুট নিজ্জে পরিলে আপনি ।

কি লজ্জা, কি ঘণা, ঘোর পরিতাপ !

মাতৃসম ভাবি যারে ভক্তিভাবে পূজিহু চরণ,

এই তার হলো পরিণাম ?

সিদ্ধিনাথ !

কেন এ ভীষণবহ্নি জ্বালিলে হৃদয়ে,

পুড়াইলে সবাক্রবে সন্দেহের ঘোর দাবানলে ?

কোন্ অপরাধে বল, করিলে এ শাস্তির বিধান ?

বিশ্ব ।—এই সেই পাষণ্ড পামর ।

এরই কথা দেববাক্য বলি করিয়ে বিশ্বাস,

আত্মনাশ—মনস্তাপ—জীবনে বহানু ঘোর বৈতরণি-ধারা ।

পাতকি ।—

(অসির আঘাত)

সিদ্ধি ।—নির্দোষে এ শাস্তি কেন দাও সেনাপতি—

(পতন)

শাস্তি ।—সেনাপতি ! রাজার আদেশ, রাজার বিধান,

অবিদিত নহে কিছু তোমার নিকটে ;

হত্যাকারী তুমি,

চৈতক শাসন ভার দিহু রণবীরে ।

বন্দি তুমি, বিচারে যে শাস্তি হয় পাইবে অচিরে ।

রক্ষি ! ধর, লও কারাগারে,

বাধ সিদ্ধিনাথে স্বরা নরক-পিশাচে ।

বিশ্ব।— রাজার শাসন-নীতি জানি সবিশেষ
কিন্তু মোর শেষ অনুরোধ, মন দিয়ে কর অবধান।
ইন্দিরার ঘোর পরিণাম,
অভাগার মন্দভাগ্য, নিৰ্কুঙ্কিতা, নৃশংসতা যত,
ঘোষণা করিও সবে পুরন্দরপুরে
ঘরে ঘরে দ্বারে দ্বারে প্রমাণ সহিতে।

(ইন্দিরার প্রতি)

প্রিয়তমে !

যাও, চলে যাও অনন্তের সুখ শান্তিধামে ;

আদরে পূজিবে তোমা দেববালা দলে।

কিন্তু প্রিয়ে

ভ্রমেও প্রেমের ছবি এঁকে না হৃদয়ে !

আমি তুমি কিছু কিছু নয়,

সব ছায়াময়,

ঘোরে লোক ছায়ামূর্তি রূপে !

হৃদিনেই মায়ী যায়,

ছায়ী যায়,

ঢেকে যায় অন্তর বাহির,

ঘোর ঘন আঁধারের কোলে।

পাপী আমি, কাজ কি বিচারে,
 কাজ কি রহিয়া স্রমে মর্মান্তিক মনঃপীড়া ভীষণ-যাতনা ?
 যাই চলে নরক-নিবাসে,
 ভুঞ্জিতে পাপের ফল অনন্ত জীবন ধরি, নিরয় নগরে।
 রণবীর ! ক্ষম অপরাধ!—
 বসুন্ধরে !
 নিষ্পাপ হউক তব স্নিগ্ধ শান্ত বক্ষঃস্থল,
 আজ হতে—বিদায় বিদায়।

(তরবারীর আঘাতে আত্মনাশ)

সম্পূর্ণ।





স্বল্পমূল্যে প্রয়োজনীয় গ্রন্থসমূহ প্রকাশ
করাই আয়া-সাহিত্য-সামাজিক সংস্থাপনের উদ্দেশ্যে। নিম্ন
লিখিত পুস্তক সমূহ সর্বাঙ্গ কতৃক প্রকাশিত হইয়াছে।

গণিত ও ফলিত জ্যোতিষ

বিনা শিক্ষকে শিখিবাব উপযোগী

• বহুবিধ চিত্রে অলঙ্কৃত

দ্বাদশ খণ্ডে ও আট খানি পবিশিষ্টে ৪১৬ পৃষ্ঠা

বরাহমিহির ।

মূল্য মাত্র মাত্র ২. ছই টাকা ।

উপহার ।

জন্মস্থান, জন্ম সন, তারিখ ও সময়াদি লিখিলে ভটপতির বিখ্যাত
জ্যোতিষী শ্রীযুক্ত নারায়ণচন্দ্র জ্যোতিষী কতৃক গণিত 'সরল
কোষ্ঠি' প্রতি গ্রাহককেই বিনামূল্যে উপহার দেওয়া যায় ।

৯০

বঙ্গের শ্রেষ্ঠ কবি

শ্রীযুক্ত বাবু হেমচন্দ্র বন্দ্যোপাধ্যায় প্রণীত

বহুবিধ নূতন কবিতা সম্বলিত

ছইভাগ কবিতাবলী (১৪ খানি গ্রন্থ) সহ

সমগ্র

গ্রন্থাবলী ।

মূল্য ২৥০ টাকা, উত্তম বাঁধাই ৭ তিন টাকা।

ভেদেপেবেলে লইলে কমিশন ও মাঙ্কল ১০ আনা অধিক লাগে ।

রেনল্ড্‌স্‌ গ্রন্থাবলী ।

মেরী গ্রাইস

মুহূৎ চারি পর্কে সম্পূর্ণ হইয়াছে ।

আকার বড় আড়ার ১০ পৃষ্ঠা, ১৪ খানি ছবি ও সুন্দর বিলাতী

কাগজে ছাপা । এত বড় এক মুঠের বোঝা মেরীগ্রাইসের দাম ১০

পাঁচ বিক্রয় ।

মোট ১৪ খানি আনা ।

B2660





